

武林金石記

武林金石記第五卷

錢塘 丁 敬 敬身

南山磨崖

家人卦

家人利女貞至反身之謂也

右司馬溫公書 磨崖縱八尺八寸橫九尺
二寸隸書十二行字徑五寸

葉紹翁四朝聞見錄云南屏山興教寺磨崖家
人卦中庸樂記篇司馬溫公書錢塘自五季以
來無干戈之禍其民富麗多淫靡之尚其於齊

家之道或闕焉故司馬公書此以助政教非偶然爲之也

朱竹垞云詣壑菴觀磨崖家人卦隸書考彙紹翁四朝聞見錄吳自牧夢梁錄皆云石壁刊字出司馬溫公筆獨周密謂是唐人遺墨後人於石旁刊右司馬溫公書六字其實非也家有宋鑑稱紹興六年十一月庚辰上諭大臣曰司馬光隸字正似漢人朕有五卷日夕置左右所書乃中庸與家人卦皆修身治國之道不特玩其字而已今磨崖所刊家人卦後雜以樂記篇禮

樂不可斯須去身至舉而措之百九十二言中
庸道不遠人至無入而不自得焉百九十七言
合乎宋鑑所載當是諸大臣聞思陵面諭請刊
於石者此卽王洙詩所云涑山崖碑平綠苔春
游誰向此山來也

樂記

在家
人卦後

君子曰禮樂不可斯須去身至舉而措之天下
無難矣

右司馬溫公書 磨崖縱九尺二寸橫六尺
二寸隸書十行字徑五寸

中庸

在樂記後

子曰道不遠人至君子無入而不自得焉

右司馬溫公書

字徑二寸五分

磨崖縱九尺二寸

橫七尺二寸隸書十行字徑五寸

西湖志云謹按以上三篇書法同末題司馬溫公書武林舊事云此唐人書後人添刻溫公其實非也考光之父司馬池於康定元年知杭州後亦封溫公或其守杭時書此以教民正未知光本傳稱光於寶元初中進士甲科因池在杭求覓蘇州判官事以便省親故池有敘述吳

越風俗文係光代作見於傳家集此段磨崖大抵池爲守時所刻故咸淳臨安志亦稱溫公書也

琴臺二大字

在家人卦後

琴臺

行書字徑三尺

米芾書

正書

右磨崖

三生石三大字

在家人卦旁

三生石

右磨崖縱一尺六寸橫六寸篆書字徑五寸

案三生石事在下天竺葛洪川畔而南屏亦有

此題殊不可解

周昌題名

在三生石字下

南山之隈白石巍巍上有丹崖下有琴臺彌天
然師與我遊哉勒名石堅庶播將來至正甲午
仲春吳興周昌書於南屏石壁

右磨崖縱四尺二寸橫一尺正書三行行十
七字字徑二寸

張若谷等題名

在南屏

龍圖閣學士刑部侍郎知府事張若谷兩浙路
體訪安撫三司度支判官稅課轉運使司勳郎

中張從筆康定辛巳暮春二十三日游宴此山
盡日而去

右磨崖縱三尺橫一尺八寸正書五行字徑
二寸五分

鄭戩等題名

在南屏

資政殿學士諫議大夫知軍州原武鄭戩天休
轉運使尚書兵部員外郎隴西李定子山轉運
使尚書□部員外郎東平呂覺秀民尚書祠部
郎中集賢校理彭城錢仙游綺翁著作佐郎館
閣校勘莆陽蔡襄君謨慶厯元年辛巳十二月

十日題

右磨崖縱一尺八寸橫三尺正書十二行字
徑二寸五分

成化杭州府志戩字天休蘇州人慶厯元年以
資政殿學士知杭州

鄭民瞻等題名

在南屏

鄭民瞻德常弟民監光覺民度仲詳陳浚□叔
徐民任用之上官□□□黃應叔和慶厯二年
□午正月十九日游此

右磨崖縱一尺八寸橫一尺三寸正書五行

字徑一寸三分

蘇溫雅等題名

在南屏

蘇溫雅舜欽楊混慶厯二年八月六日倩仲題
右磨崖縱二尺橫一尺六寸正書四行字徑
二寸五分

浦延熙等題名

在南屏

宋皇祐辛卯歲季秋既望浦延熙李喬游南屏
山題記

右磨崖縱三尺一寸橫一尺九寸隸書三行
字徑四寸五分

魯元翰題名

在南屏

魯元翰熙甯乙卯仲夏再游

右磨崖縱一尺二寸橫一尺正書三行字徑

二寸

王廷老等題名

在南屏

王廷老伯敷張觀子明孫迪彥誠胡志忠仲舉
吳君平常甫郭附明仲熙寧八年四月廿三日
同游南屏興教寺

右磨崖縱一尺六寸橫二尺六寸正書十一
行字徑二寸

晁仲舒題名

在南屏王廷老題名之上

晁仲舒與姪端彥張掖同游

右磨崖縱一尺六寸橫五寸正書二行字徑二寸

樓鑰少林二大字

在南屏

少林

正書二字橫寫

攻媿

二字在大字左字徑八寸

右磨崖縱四尺八寸橫九尺五寸少林二字徑五尺

艮卦爻辭

在曲居洞

艮其輔言有序悔亡

右磨崖縱四尺二寸橫三尺一寸隸書二行
字徑一尺

損益卦象辭

在幽居洞

山下有澤損君子以懲忿窒欲

風雷益君子以見善則遷有過則改

右磨崖縱八尺五寸橫五尺二寸隸書四行
字徑八寸

雲壑二字

在南屏

雲壑 磨崖縱一尺二寸橫一尺餘隸書字徑
五寸

蒼谷題名

在南屏

蒼谷題

磨崖縱三尺六寸橫二尺一寸正書

字徑一尺

左傳晏子語

在太
子驁

晏子曰君令而不違臣共而不貳父慈而教子
孝而箴兄愛而友弟敬而順夫和而義妻柔而
正姑慈而從婦聽而婉禮之善物也

右磨崖縱一丈橫七尺隸書五行行十字字
徑八寸書法與家人卦同

陳襄等題名

在石
屋洞

正林台不計卷五

一山陰吳氏遷食金石書

陳襄蘇頌孫奕黃顥曾孝章蘇軾同游熙寧六年六月二十一日

右磨崖縱二尺二寸橫一尺一寸正書四行字徑二寸

王廷老等題名

在石屋洞

睢陽王廷老伯敷錢塘吳君平常甫大名王頤正甫昭武上官塏彥明臨川王安上純甫同游熙寧癸丑七月己未

右磨崖縱一尺八寸橫二尺正書六行字徑二寸文右行

魯元翰題名

在石屋洞

熙甯甲寅十月二十五日扶風魯元翰游石屋洞君彥君亮侍行

右磨崖縱一尺二寸橫一尺一寸正書五行字徑一寸五分

王廷老等題名

在石屋洞

王廷老伯敷吳君平常甫孫迪彥誠胡志忠仲舉郭附明仲張靚子明熙甯八年四月廿三日同游石屋洞

右磨崖縱一尺一寸橫一尺四寸正書八行

字徑一寸

潛說友題名

在石屋洞

潛說友來

咸淳五年七月望日

右磨崖縱一尺四寸橫五寸八分正書兩行

題名字徑一寸八分年月字徑一寸二分

潛說友字君高縉雲縣人成化杭州府志咸淳四年除司農寺少卿兼知臨安府七年罷在官曾修咸淳臨安志

員嶠真逸題名

在石屋洞

皇慶壬子九月八日員嶠真逸河東李佃士弘

偕淨慈晦機中竺元叟明慶市嚴演福湛堂會
稽千巖同游男思德侍行是日風高氣清乘興
就高峰

右磨崖縱一尺四寸橫一尺五寸行書七行
字徑一寸五分

施振等題名

在石屋洞

至正戊子夏四月望郡人施振楊瑀莫昌鄒進
禮同游

右磨崖縱一尺二寸橫八寸隸書三行字徑
一寸六分

沈嘉等題名

在石屋洞

皇元至正壬寅冷食通州沈嘉彭城羊宣河東
張齊燕南孫中古越張朗杭州王皞武林王旬
太原王革同游

右磨崖縱橫俱一尺一寸正書六行字徑一
寸二分

楊朵兒只班等題名

在石屋洞

至正十四年暮春中臺知印楊朵兒只班偕潭
州總管伯篤魯丁同游

右磨崖縱九寸橫五寸正書三行字徑一寸

煥著等題名

在石屋洞

至正十四年三月六日奉御煥著檢校王謙照
磨任士文管勾張晉掾史王昀部管勾王畋永
嘉陳昧同游南山諸公俾昧書於石屋洞以識
歲月

右磨崖縱九寸橫一尺正書九行字徑一寸
方豪石屋二大字

在石屋洞

石屋

思□書

右磨崖縱二尺四寸橫一尺八寸行書二行
字徑一尺旁有篆書三字大三寸漫滅不可

識側注廣莫子三字字徑一寸

西湖志云行書名滅一字按方豪字思道此豪書也

西湖游覽志豪字思道開化人正德間刑部郎中雅好山水居湖最久嘗築室於石屋號齊樹樓

孫克弘燕谷二字

在石屋

燕谷

雪居

右磨崖縱一尺八寸橫一尺三寸燕谷二字
隸書徑三寸雪居二字正書徑一寸二分

孫克弘雲窩二字

在石屋

雲翫

雪居

右磨崖縱一尺二寸橫七寸八分雲窩二字
篆書徑五寸雪居二字正書徑一寸二分

吳涵石屋洞詩

在石屋洞

石屋雲深處烟霞日午時坐來幽興極老我一
題詩丹淵吳涵

右磨崖縱一尺四寸橫一尺二寸正書四行
字徑二寸

姚原道等題名

在石屋

丙辰季秋廿九日通川姚原道彥聖與弟原古
伯玉原仁安叟原孝景純同游子姪滂汲滌沈
納辭侍行

右磨崖縱二尺四寸橫一尺正書四行行二
十字字徑一寸六分

賈似道等題名

在石屋

咸淳三年九月二十八日賈似道領客東元嘉
史有之廖瑩中黃公紹王庭來游子德生諸孫
蕃世侍

右磨崖縱二尺四寸橫一尺六寸楷書四行

字徑一寸八分三四行之中有題云天明錫
山安國第八游九字字法大小相似殊爲混
雜

乾祐鑿佛贊

在石屋洞

觀音自在菩薩尊像一軀并裝彩龕室等因而
讚曰大聖觀音身現塵刹隨聲響應咸見菩薩
了茲寶相孰不解脫善哉淨信本惠清豁命乎
鄙手倚巖鐫割水月現前儼然生活乾祐二年
歲在己酉九月十日記

右磨崖縱一尺四寸橫八寸小行書字徑五

分

大德鑿佛記

在石屋洞

昔在石晉天福年中開山建院刊堅珉爲瞿曇
羅漢像凡七百餘尊星霜屢易大欠莊嚴遂投
誠檀信擇吉鳩工重繪重整再□再新以廣其
傳願一切人善同瞻仰後人繼承我志時修理
之庶永示於不朽也□德□年□在壬寅住山
永隆識

右磨崖縱二尺橫一尺三寸正書八行字可
一寸 西湖志云按年號失二字考壬寅歲

爲元大德六年

孫克弘清響二字

在水樂洞

清響

華亭雪居書

右磨崖縱二尺六寸橫一尺八寸隸書清響
二字徑尺餘款字正書徑二寸

王廷老等題名

在水樂洞

睢陽王廷老伯駁錢塘吳君平常甫大名王頤
正甫昭武上官塏彥明臨川王安上純甫熙甯
癸丑七月己未

右磨崖縱一尺九寸橫一尺六寸正書五行

五本合不言者三
一三山陰吳氏選金名書

字徑一寸五分姓名書法與石屋同而行款

稍異

尹彥明等題名在烟霞洞

雒陽尹彥明趙伯奕邢叔端朱晞真致一時可

子寅甯極維方紹興戊午十月四日同來

右磨崖縱一尺五寸橫一尺二寸篆書五行

字徑一寸六分

大佛字在南高峰

佛 慶元丙辰三月八日檀越胡安錢塘景

明就石書本 口邱大榮刻 巖主淨津建

右磨崖縱七尺橫七尺餘佛字大六尺旁刻
年月姓名隸書可三寸

蘇軾等題名

在大麥嶺

蘇軾王瑜楊傑張璠同游天竺過麥嶺

右磨崖縱橫俱一尺正書四行字徑二寸四
分文右行是碑姓名與龍華寺同題跋見龍
華寺磨崖

玉岑山二大字

玉岑

右磨崖 萬厯杭州府志云在石屋嶺左孤

峰秀拔層巒繚繞中有古木倒植森翠凌冬
崖上鐫玉岑二字許米書

邱邠等題名

靜菴邱邠賈似道乙未臘月二日來游復亨泰
侍

後三十一年夏閏大丞相魏國賈似道再登揆
席少駐湖曲賜第因謁演福來此客廖瑩中陳
詩川從子德生侍

右磨崖 西湖志云舊在風篁嶺見咸濟臨
安志今未見拓本

蘇軾等題名

蘇軾錢勰江公著柳雍同謁龍井辨才元祐六年正月七日元祐庚午辨才老師年始八十道俗相慶施千袈裟飯千僧七日而罷眉山蘇軾子瞻洛陽王瑜中玉安陸張璠全翁九江周燾次元來餽薺茗二月晦日書

右磨崖 西湖志云舊在龍井見咸淳臨安志今亦未見拓本

杭州龍井山方圓菴記

井在龍

天竺辨才法師以智者教傳四十年學者如歸

四方風靡於是晦者明窒者通大小之機無不
遂者不居其功不宿於名乃辭其交游去其弟
子而求於寂寞之濱得龍井之居以隱焉南山
守一往見之過龍御登風篁嶺引目周覽以索
其居岌然羣峰密圍洌□□不蔽翳四顧若失
莫知其鄉逡巡下危磴行深林得之于烟雲髣
髴之間遂造而謁之法師引余並席而坐相視
而笑徐曰子胡來予曰願有觀焉法師曰子固
觀矣而又將奚觀予笑曰然法師命予入由照
閣經寂室指其菴而言曰此吾佛亦如之使吾

黨祝髮以圓其頂壞色以方其袍乃欲其煩惱盡而理體圓定慧修而德相顯也蓋溺於理而不達於事迷於事而不明於理者皆不可謂之沙門以制禮樂爲衣裳至於舟車器械宮室之爲皆則而象之故儒者冠圓冠以知天時履屨以知地形蓋蔽於天而不知人蔽於人而不知天者皆不可謂之真儒矣唯能通天地人者真儒矣唯能理事一如而無異觀者其真沙門歟噫人之處乎覆載之內陶乎教化之中形其形服其服用其器而於其居也特不然哉吾所

以爲是菴也然則吾直以是爲遽廬亦若夫以
法性之圓事相之方而規矩一切則之所以休
息乎此也窺其制則圓蓋而方址予謂之曰夫
釋子之寢或爲方丈或爲圓廬而是菴也胡爲
而然哉法師曰子既得之矣雖然試爲子言之
夫形而上者渾淪周徧非方非圓而能成方圓
者也形而下者或得於方或得於圓或兼斯二
者而不能無悖者也大至於天地近止乎一身
無不然故天得之則運而無積地得之則靜而
無變是以天圓而地方人位乎天地之間則手

足具二者之形矣蓋宇宙雖大不離其內秋毫
雖小待之成體故凡有貌象聲色者無巨細無
古今皆不能出于方圓之內也所以古先哲王
因之也雖然此游方之內者也至於諸法同體
而無自位萬物各得而不相知皆藏乎不深之
度而游乎元端之紀則是菴也爲無相之菴而
吾亦將以無所住而住焉當是時也子奚往而
觀乎嗚呼理圓也語方也吾當忘言與之以無
所觀而觀之於是豁然隱几子出以法師之說
授其門弟子使記焉

元豐癸亥四月九日慧日峰守一記不二作此文成過予愛之因書 鹿門居士米元章

方圓菴記跋

辨才故與蘇子瞻伯仲洎趙閱道秦少游爲方外交其人可知已太守請住名剎晚年自天竺歸老龍井之山結其廬曰方圓夫人生圓顱方趾所本來也其用萬端幻化而不窮卒歸於皇皇不吾寂斯方圓義畢矣吾人寄身蜉蝣而襟期宇宙善用方圓者也泥之則不善將爲方乎將爲圓乎善乎師與守一之說守一記之而來

南宮善其文手書於石並稱絕奇龍井昔傳神
物所託故祠龍君於是遇夏不雨有司爲百姓
請命而禱輒應今年余以不雨禱於祠下問之
僧人石已斷仆榛莽中久矣余見有舊刻果石
重鏤一過樹於故跡噫天地之靈物未嘗終祕
師之教庶幾於道九□行□而卒後人賢之祠
而紀焉南宮書法超邁入神幸見之可洗瘴毒
均爲山靈神氣所重此余重刻意也書以紀之
時

萬厯丁酉仲夏知仁和縣事竟陵胡□跋

右碑高四尺橫一尺四寸行書十七行字徑八分跋七行行書字縱六分

安世鳳墨林快事跋云此米字之最有聲合作者乃以菴之增修好事者適得米老舊榻以補亡而恰遇一顛倒裝潢者錯其先後遂據之入石虎林游人如織莫有爲之是正者余早得此本亦以爲裝家誤旋入杭摩挲石下依然誤也因另搨二紙爲之段裝則文從理順不致誦一公爲僖胡顛士爲糊目矣欲再一正其石而匆匆北歸常賒此恨因識於此嗟乎余所手正之

本或未必傳而此段倘不泯泯則後來見者豈
遂乏一慧心之彥爲了吾恨者余之汲汲老而
爲此者半欲爲後人一二眼耳用寄示此一帙
於永永豈區區誇蠹魚之架哉天啟乙丑九月
三日

神運石題字

在龍井

截嶺神運石 磨崖縱二尺橫一尺九寸草書
作三行字徑五寸嶺運二字特大至八寸五
分

下有玉泓池 磨崖縱一尺六寸橫一尺四寸

草書二行字徑四寸池字拖筆幾及尺

南山道人李德遣五丁神運此石就立在右上
右磨崖縱一尺五寸橫一尺九寸正書六行
字徑二寸

萬厯杭州府志云石高可六尺許奇怪突兀
正統十三年中貴李德駐龍井屬阜令力士淘
之初得鐵牌二十四面玉佛一口金銀各一錠
上鑿大宋元豐年號次得茲石以八十人拽出
之上有神運字其旁多款識漶漫不可讀不知
何代所鑄也繼又得鐵牌十五面銀二條上鑄

吳赤烏年號蓋皆投龍以祈雨者其日黑雲四
匝泉頭洶湧德懼而止

葛采詩

井在龍

千年靈洞幾人看洞裏丹青畫未乾當是神仙
棲止處石懸龍跡噴陰寒 □巢葛采留題住

山善慶摩刻

右磨崖縱一尺橫一尺五寸正書八行字徑
一寸五分

林景度等題名

井在龍

林景度韓无咎李秀叔司馬季思崔子霖韓子

師乾道辛卯歲八月晦自龍井來

右磨崖縱一尺六寸橫二尺四寸正書六行

字徑三寸

方豪等題名

在象鼻峰

癸酉正月九日思道從惟忠斯清再至見舊題

迷誤復書此

右磨崖縱一尺四寸橫一尺一寸行書四行

字徑二寸

武林金石記第七卷

錢塘 丁 敬 敬身

南山磨崖

錢武肅王慈雲嶺題名

梁單闕之歲興建龍山至涖灘之年開慈雲嶺
便建西關城宇臺殿水閣今勒貞珉用記年月
甲申歲四月十五日吳越國王記

右磨崖縱二尺四寸橫三尺二寸篆書八行
行六字字徑四寸

佛法僧三大字

在慈雲嶺

佛

正書字
徑三尺

法

正書字
徑二尺

僧

正書字
徑二尺

熙甯二年己酉歲中秋日無錫弟子陳延柏施

財刊石

正書字
徑二寸

右磨崖縱七尺橫四尺八寸

雲泉二大字

在慈雲嶺

雲泉 贊曰惟石生雲泉流涓涓上應銀漢徹

於璇源玉陽史際

右磨崖縱六尺八寸橫四尺八寸雲泉二字

篆書字徑三尺五寸贊詞隸書字徑一寸五

分又有正書一行止有元居中篆四字可識

宋仁宗佛牙贊

在慈雲嶺石佛院

佛牙贊

三字平列楷書大可六寸餘

新建鎮國□延遐齡石像之記

碑額十二行每行一字篆書字

方二寸

仁宗神文聖武明孝皇帝製

三皇掩質皆歸土 五帝潛形已化塵 夫子

域中誇是聖 老君世上亦言真 埋軀祇見

空遺塚 何處將身示後人 唯有吾師金骨

在 曾經百練色長新

右楷書五行字徑三寸五分

大宋紹聖改元甲戌歲乙亥月敬刊於杭州慈

武林金石記卷七

二
山陰吳氏選金石記

雲嶺永壽石佛殿之左山崖之前上報四恩將
傳萬世沙門釋惟性建住持沙門寶誠 陶誣

刻字

右二行正
書徑一寸

案此讚有侮聖之語必非仁宗御製咸淳臨安
志及田氏西湖志俱有說駁其爲僧徒僞作厲
太鴻詩有云仁皇頌金骨排儒說滋弊大書摩
雲根作僞殆如竊注云永壽院石上刻宋仁宗
佛牙讚七律一首考宋僧法雲翻譯名義釋舍
利下亦引此讚其辭鄙陋蓋假託爲之

石龍淨勝院捨田記

在慈雲嶺
石龍院旁

淳熙庚子三月住山釋子崇立石

記魏氏三一
煥捨田事文

不錄

右磨崖縱一尺五寸橫一尺三寸正書十一

行字徑一寸

冲羽書心印銘

心印銘唐翰林學士兼太子侍讀史館修撰守
右補闕梁肅作 浩浩羣生或動或靜或幽或
明旁魄六合運用五行莫不因其心而寓其形
波流火馳出入如機如環無端莫知其歸或細
不可視或大不可圍日月至明或以爲昏秋毫

至微或以爲繁或囊括天地或渴飲四海舒卷
變化惟心所在夭壽得喪惟心所宰心遷境遷
心廣境廣物無定心心無定境明則有天人幽
則有鬼神苦樂相紛如絲之棼有無云云不可
勝言抑末也已本則不然惟本之爲體寂兮浩
兮不可道兮顯矣默矣不可測矣統萬有於纖
芥視億載於屈指外而不入內而不出不闔不
闢不虛不實無感不應無應不神在天而天在
人而人常存而未始或存嘗昏而未嘗或昏豈
惟我然蓋無物不然豈惟我得蓋無物不得混

而爲一莫覩其極故曰心生法生心滅法滅離
一切相則名諸佛 錢塘講律僧冲羽書 陶
翼并男拱鐫字 天宋皇祐癸巳歲七月草堂
僧慎微糾同志刻於石龍院之崖

右磨崖縱七尺橫六尺楷書十四行字徑二
寸

吳尺鳬跋云度慈雲之陰巉巖互伏榛莽沒行
跡又有巨石當路口穿隙始得上兩崖對劈其
崖上隆下窅日月風雨所不至刻面平如鏡微
裂一痕無苔蘚之侵蝕至今字畫如新北宋磨

崖鮮見完美若斯者已梁肅名見唐書蘇源明
傳後字曰敬之又曰寬中隨尚書毗之後世居
陸渾德宗建中朝中文辭清麗科授校書郎以
蕭復薦拜右拾遺杜祐辟爲淮南書記入爲右
補闕翰林學士皇太子侍讀卒年四十一此所
題之官與傳合是銘載唐文粹中銘前有陳諫
序云安定梁肅學止觀法門於沙門元浩其未
知也患不能知之既知之患不能至之於是作
心印銘蓋几杖盤盂座右之類取其自省也其
文自浩浩羣生至有無云云言未知也自本則

不然至終篇言其既知也以既知之心印其未
知號曰心印銘太極與經論合而歸於無相庶
乎哉諫獲與敬之游又嘗聞皓公之言故序其
所由然著於銘之首按此序原繫於銘因全錄
之文粹凡錄肅文二十三篇爲釋氏作者居多
然如受命賦西伯受命稱王議磻溪銘四皓贊
圮橋碑釣臺碑鹽池兵箴諸篇要皆有闕經濟
崔恭撰肅集序凡八百餘言極稱其文章粹美
此卽通考所載梁補闕集二十卷者是也肅又
爲李泌獨孤及李翰作序且與陸宣公游惜乎

其集失傳今卽文粹中觀之固褒然一大作者
全唐詩僅存梁補闕一首并失其名非選錄家
古今文人之幸傳者幸矣冲羽書法絕似顏魯
公卽刊石之慎微舉不可考當于偈翦譜牒中
徐求之末一行錢倩仲題名又瑤華洞亦有倩
仲刻字自稱彭城乃武肅王裔也

錢倩仲題名

在心印
銘旁

建中靖國元年仲冬會稽錢倩仲游

右磨崖附心印銘後字徑二寸與心印銘同

建庚申勝會記

在石龍院
千佛頭

紹興二十七年立

右磨崖縱一尺五寸橫一尺一寸正書文漫漶不可讀

瑤華洞三大字

在石龍院千佛頭

左皇祐元年己丑九月提點兩浙

下缺

瑤華洞

正書字徑八寸

右守尚書度支員外郎蘇舜元立石

右磨崖縱二尺五寸橫一尺六寸兩旁字大

一寸

錢倩仲題名

在瑤華洞

彭城錢倩仲辛巳仲冬十八日乘興游瑤華洞

右磨崖縱三寸橫五寸正書六行行三字字

大五分

錢武肅王郊臺題名

在天真寺內靈化洞

梁龍德元年歲次辛巳十二月壬午朔一日天

下都元帥吳越國王錢鏐置

右磨崖正書字徑三寸

錢武肅王排衙石詩刻

王

上半已斷約缺三字應是吳越國王今止存一王字

□□□□□□□□南一劍定長鯨□□

□□□□□□□□□□帝匡扶立正聲□□□□

□□□□□□□□□□輝爭不仗神明□□□□□□

□□□□建瑤壇禮玉京□□□□□□□□

□□□□常熱不曾停□□□□□□□□□□

恆傳寶藏經□□□□□□□□□□今為

顯真靈□□□□□□□□□□來鎖上

清正書九行
字徑二寸

右磨崖縱橫俱三尺二寸上半斜斷詩前有

序十行行二十二字字徑一寸行書前半漫

漶不可識讀至第八行下截有仙聖所居必

有禎祥之事特現十二字第九行下載有址
已周宮庭旋建聊題諷詠以十二字第十行
下載有之首□此上宮七言八韻九字并前
詩俱從拓本錄出故與西湖志不同

御教場石刻四通

一磨崖縱一尺二寸橫一尺一寸正書四行行
六字漫漶已甚惟二行登□亭石街四字三行
元豐己未四字尚存

一磨崖縱三尺四寸橫二尺五寸正書六行行
十二字字徑三寸惟首行淳祐乙巳夏秋之交

八字次行兩扉神不告五字四行亭啓祈三字
甚明餘俱漫漶不可識

一磨崖縱二尺四寸橫二尺三寸楷書七行行
八字字徑二寸五分文曰□□□年仲冬□□
□□會□□者□□轉運使蔣□□□舉鹽
香周□民望轉運判官□偉節紹□知軍州事
蔡□□□

一磨崖縱一尺八寸橫一尺正書皇宮牆三字
徑六寸乙丑春甲子題六字徑一寸

鳳山二大字

在鳳凰山頂

鳳山 淳熙丁未春洛王大通書

右磨崖縱八尺四寸橫五尺鳳山二字正書
字徑四尺旁款字徑五寸

王大通等題名

在鳳山

宋人王大通宋黻穆冠卿淳熙丁未春晚同來
右磨崖縱二尺五寸橫一尺六寸正書三行
字徑三寸六分

勝果二大字

在勝果寺殿後立石口下

勝果 皇宋淳熙十三年夏四月甲子重建

右石縱四尺三寸橫二尺六寸勝果二字隸

書徑一尺八寸年月字正書

忠實二大字

在勝果寺後

忠實

右磨崖縱二尺八寸橫五尺正書徑三尺平

列

躍雲二大字

在勝果寺後

躍雲

右磨崖縱二尺橫一尺隸書徑八寸

吳山磨崖

諸葛鑑元等題名

大唐開成五年六月十日 南嶽道士邢令
聞錢塘縣令錢華記道士諸葛鑑元書

右磨崖縱七寸橫一尺二寸隸書七行字徑
一寸四分

東坡寶成院賞牡丹詩

春風小院却來時壁間唯見使君詩應問使君
何處去憑君說與春風知年年歲歲何窮已花
似今年人老矣去年崔護若重來前度劉郎在
千里熙甯壬子芳春吉旦東坡題

右磨崖縱四尺五寸橫二尺三寸正書六行

字徑三寸

前度劉郎詩

千里是南華由來祖釋迦吾師何所往留得牡
丹花前度劉郎題 下有東魯生印

右磨崖縱二尺三寸橫一尺行書三行字徑
二寸

薩天錫游紫陽洞詩

題紫陽勝境 元肅政廉訪司知事雁門薩都

刺天錫

天風吹我登鰲峰大山小山石璣瓏赤霞日射

紫瑪瑙白露夜滴青芙蓉飄飄雲氣穿石屋石
上涼風吹紫竹掛冠何日賦歸來煮石篝燈洞
中宿

右磨崖

傳按薩天錫遊紫陽洞詩刻於龕石
條上今已移豎寶成寺前此云磨崖

者謾矣又薩雁門
集作駝峰非鰲峰

四朝詩選云薩天錫名都刺別號直齋泰定乙
卯進士累擢南臺御史以建言左遷河南廉訪
使經歷兩浙名賢錄天錫寓居武林博雅工詩
文今兩山多有遺藁

第一山三大字

第一山 米芾書 姜召刻

右磨崖縱六尺七寸橫三尺二寸行書字徑
三尺刻石列名正書字徑二寸五分

見滄二大字

在寶奎寺

見滄

旁有印文今不可辨或
瀋臨安志云理宗御書

右磨崖縱二尺八寸橫一尺八寸正書字徑
一尺

武林梵志云吳山之陽有宋丞相喬行簡故第
奇石峭拔東望海門紹定間理宗幸其第書見
滄二字勒之崖石後捨宅爲寺名寶奎

麻曷葛刺佛碑

在寶成寺

朝廷差來官驃騎衛上將軍左衛親軍都指揮
使伯家奴 發心喜捨淨財莊嚴麻曷葛刺聖
相一堂祈福保佑宅門光顯祿位增高一切時
中吉祥如意者

至治二年 月

日立石

厲太鴻麻曷葛刺佛詩

并序

麻曷葛刺佛在吳山寶成寺石壁上覆之以屋
元至治二年驃騎衛上將軍左衛親軍都指揮
使伯家奴所鑿案元史泰定帝元年塑馬合吃

刺佛像於延春閣之徽清亭下輟耕錄亦稱馬
吃刺佛蓋梵音無定字故也元時最敬西僧以
其像設寧惡可怖志乘不載觀者多昧其所自
故詩以著之

寺古釋迦院青滑石如鉛何年施斧鑿幻出梵
相奇五采與塗飾黯慘猶淋漓一軀儼箕踞努
目雪兩眉赤脚踏魔女二婢相夾持王廟捧在
手豈是飲月支有來左右侍騎白象青獅獅背
匪錦幪薦坐用人皮髑髏亂繫頸珠貫何纍纍
其餘不盡者復置戟與鉞旁紀至治歲喜捨莊

武林金石記卷七

十二

此鈐印社以不珍勝
出陰吳氏選金不業書

嚴資求福不唐捐宰官多佞辭我聞劉元塑妙
比无伽兒搏換入紫闥祕密無人知此像琢山
骨要使千年垂徧翻諸佛名難解姚秦師游人
跡罕到破殿蟲網絲來觀盡毛戴香火誰其尸
陰苔久凝立想見初成時高昌畏吾族奔走傾
城姿施以觀音鈔百定鴉青披題以樸檄筆譯
寫蟠虬螭照以駝酥燈深盃明流離供以刳羊
心潔於大祀犧紅兜交膜拜白傘紛葳蕤琅琅
組鈴語逢逢扇鼓馳到今數百禩眩惑生淒其
但受孔子戒

元世祖命廉希憲受戒於
國師對曰臣已受孔子戒漫書臆

巴碑趙子昂延祐二年奉命書訪古爲此作

聊釋怪牒疑

墓碑

吳越錢文穆王神道碑

大晉故天下兵馬都元帥守尚書令

以下缺

中書侍郎同門下平章事和凝撰
右碑高一丈五尺廣六尺六寸文五十行每
行九十字行書字徑一寸前數十行石已漫
漶僅存十餘行可識以非全文不錄惟銘辭
尚完備錄於左

雲起龍驤化爲侯王鴻騫鳳翥鷄立鷹揚凜然
勁氣□爾雄鋒大名之後五世其昌武肅開基
奄有吳越□洽百城□□雙闕既委招懷復□
□伐□土苴茅秉麾仗鉞尚父弃代元帥□家
傳榮襲慶奕葉重葩有典有則去甚去奢威名
□赫□望光華譚□縱橫詞□□□植思□
崔□書少□□花朝□□雁沼筆落彩□□□
□□神傳箭訣天富兵鈴龜文月角燕頤虬髯
威能伏獸名可愈疔撫衆以惠待士持謙□必
有恆政皆求理扶□遏強先人後己但見偃風

莫聞狎水阜康烝黎廓清邊鄙量陂素□德岳
彌□□延耆碩令肅權豪庭趨忠烈府集英髦
□□□畧獎勸勳勞自再稱藩□勤述職虔布
□□動遵楷式每陳貢輸常踰萬億表□□隅
□扶社稷□□□對渥澤無□禮優□□位極
人臣鎔金鑄玉龜鈕龍□□□當代莫繼芳塵
□□戢兵取威定霸方賴控臨忽聞薨謝雲慘
長□星沈永夜□慟軍民□□華夏初聞訃奏
尋輟視朝□嗟且夷不及□喬倍加贈□久□
□韶□□分□水陸程遙□傑淪亡英賢繼襲

□□悲摧無所迫及益務撫循加之周給人情
既安兵威自戢一方肅靜□世耀榮朝□□□
□□□□欲□□□□奉聖明願書□□□□
□名金玉令人鼓旗□□德盛功崇□□□□
□□□□言之無愧庶幾乎萬歲千秋人見之
而墮淚

右銘詞中亦有百餘字漫漶者讀之殊費思
索今以十國春秋所載補足之附錄於後

雲起龍驤化爲侯王鴻鸞鳳翥立鷹揚凜然
勁氣卓爾雄鋌大名之後五世其昌武肅開基

奄有吳越恩洽百城名馳雙闕既委招懷復專
征伐裂土苴茅秉麾仗鉞尚父弃代元帥承家
傳榮襲慶奕葉重葩有典有則去甚去奢威名
炫赫事望光華譚藪縱橫詞泉浩渺曹植思遲
崔儵書少月夕花朝猿巖雁沼筆落彩箋風清
綠篠神傳射訣天富兵鈴龜文月角燕領虬髯
威能伏獸名可愈疔撫衆以惠待士持謙事必
有恆政皆求理扶弱遏強先人後己但見偃風
莫聞狎水阜康蒸黎廓清邊鄙量陂素廣德岳
彌高禮延耆碩令肅權豪庭趨忠烈府集英髦

講論韜略獎勸勲勞自再稱藩益勤述職虔布
詔命動遵楷式每陳貢輸常踰萬億表率方隅
匡扶社稷功庸罕對淫澤無倫禮優伯舅位極
人臣鎔金鑄玉龜鈕龍綸永承當代莫繼芳塵
禁暴戢兵取威定霸方賴控臨忽聞薨謝雲慘
長空星沈永夜號慟軍民涕泗華夏初聞訃奏
尋輟視朝深嗟旦喪不及松喬倍加贈襚久罷
簫韶君臣分至水陸程遙間饌淪亡英雄繼襲
擗踊悲摧無所迨及益務撫循加之周給人情
既安兵威自戢一方肅靜三世耀榮朝宗事大

誓志傾誠欲光家世上奉聖明願書貞石用顯
聲名金玉令人鼓旗良帥德盛功崇文經武緯
述之莫窮言之無愧庶幾乎萬歲千秋人見之
而墮淚

表忠觀碑

朝奉郎尚書祠部

州軍州事騎都尉蘇

熙甯十年十月戊子資政殿大

杭州軍州事臣抃言故吳越國

祖妃夫人子孫之墳在錢塘

右碑斷折止存此五十餘字楷書字徑三寸餘

重刻表忠觀碑

文已贈炙人口不錄

朝奉郎尚書祠部員外郎直史館權知徐州
軍州事騎都尉蘇軾撰
嘉靖三十六年杭
州知府陳柯重摩立石 正書

王世貞跋蘇文忠公表忠觀碑云表忠觀碑蘇
文忠公撰并書結法不能如羅池老筆亦有婉
潤可愛銘詞是蘇詩之佳者余嘗恠錢氏起羣
盜非有大功德於民而能制一方傳數世穹爵

崇奉納土之後圭組映帶者又百餘年久而人思之何也王初有國將築宮望氣者言因故府大之不過百年填西湖之半可得千年武肅笑曰世有千年中而不出真主者乎奈何苦吾民爲逆弗改此其智有足多者五代史故歐陽氏懟筆未盡徵也

王衡蘇文忠公行書表忠觀碑跋云蘇文忠公故有書表忠觀碑擘窠大字者行於世今陳子吉士復出所鐫文忠公行書碑文示余字僅拇指大視前書若別闢一境者諦視之此特以行

草故擬筆少耳其姿態骨力以絕去排束轉自
神駿能知裴叔則於龕服亂頭時者是真知叔
則者也蓋余嘗厯武林之錢塘徘徊武肅王之
故墟其所爲錦衣挂樹强弩射潮者已草湮木
瘁矣惟此表忠觀碑獨存漸歲久漫漶而二百
年後寄生之裔孫復以此片石續之可貴哉名
公之跡也夫天地間最壽者河山最易敗者楮
墨以今觀之不朽之寄竟安歸哉吾有感於斯
文矣

岳鄂王石刻像碑

贊曰惟武穆王天錫勇智氣吞強金力扶宋季
桓桓師旅元戎是寄行將恢復遭讒所忌生既
無怍死亦何愧萬古常有惟忠與義

右碑舊在岳廟流芳亭見西湖游覽志

夏言滿江紅詞碑

吳隱按元稿詞未詳碑之
尺寸及字徑大小均未詳

岳王墓前四大字

盡忠報國 莆田洪珠書

杭州路放生池碑

杭州放生池記

宣德郎守大理寺丞監杭州清酒務吳遵路

篆額 錢塘僧思齊書 朝奉大夫給事中

知杭州軍州兼管內提堰橋道勸農市舶使
提舉杭蘇路兵甲巡檢公事護軍太原縣開
國男食邑三百戶賜紫金魚袋王隨撰

粵若星辰麗天斗宿分揚州之域江漢爲紀浙
河控餘杭之地斯郡也民俗繁侈山水奇秀總
軍戎之重乃東南之鉅屏無兵火之沴爲吳越
之福壤羅城之西有湖曰錢塘或謂上湖亦曰
西湖寶刹相望繚岸百餘寺烟景可愛澄波三
十里實二浙之佳致一方之上游也天禧三年

秋七月相國太原公自巖廊之任膺麾符之寄
坐召棠以敷化訟息而刑清奉漢條以頒春境
肅而物泰未期月衆心熙熙然如登柱史之臺
矣明年秋八月公祇奉詔召入觀象閣澤國留
昔襦之頌當亡厚晝接之眷因上言是湖也最
爲勝景俯頒佛宮居人蠶食盡取其中國家每
以歲時祈乃民福星輅至止精設於蘭場羽服
陳儀恭投於龍簡願禁採捕仍以放生池名爲
請皇帝仁及萬有惠濟羣品法神武之不殺守
慈儉以爲寶奏牘誠激凝旒喜動睿發中旨普

令茂育絲綸適降己改觀於方塘罔罟靡施免
有歎於賴尾既厚生之樂永煥巍巍之業隨
忝職瑣闥承乏方面獲親善利思勒於金石愧
無好辭聊紀於歲月者己時

天禧五年三月二十七日記

承奉郎行太常博士通判軍州兼管內堤堰
橋道勸農同監市舶司事騎都尉借絳林□

□承奉郎守大理寺丞知錢塘縣事楊告

文林郎守錢塘縣尉張仲□

第一行

中散大夫行尚書都官員外郎通判軍州兼

管內堤堰橋道勸農同監市舶司事上輕車
都尉□□承奉郎試大理評事知觀察判
官廳事段少連登仕郎試祕書省校書郎

錢塘縣主簿李祺

第二行

兩浙路提點刑獄勸農副使左侍禁閣門祇
候王世文左班殿直閣門祇候兵馬都監
兼在城巡檢臧滬觀察推官承奉郎試大

理評事苗□

第三行

兩浙路提點刑獄勸農使朝奉大夫行尚書
度支員外郎護軍借紫朱□左班殿直閣

武林金石記卷七

三
山陰吳氏題金石記

門祇候杭蘇等入州軍都巡檢使孫逢節

度推官文林郎試秘書省校書郎余行第四

兩浙諸州水陸計度轉運使兼提點市舶司

本路勸農使朝奉郎尚書度支員外郎上騎

都尉賜緋魚袋借紫方口口左班殿直閣

門祇候兵馬都監兼在城巡檢韓允文承

奉郎試大理評事知節度掌書記口口口第五

行

兩浙諸州水陸計度轉運使兼提點市舶司

本路勸農使朝奉大夫尚書工部郎中柱國

賜紫金魚袋曹定 西染院副使駐泊兵馬
都監同提舉杭蘇一路□甲巡檢公事李□
□登仕郎守少府監丞知仁和縣事□□
第六行

右碑崇九尺二寸廣五尺二寸正書十四行
每行三十三字字徑二寸五分前列書撰銜
名三行字徑一寸三分後列銜名六行字徑
一寸

鄭處士墓碣

有元竹隱鄭處士墓 鄱陽周伯琦書

右碣縱三尺四寸橫二尺篆書二行字徑五寸款字正書字徑一寸